

**ZAPISNIK SA 18. RADNE SJEDNICE SKUPŠTINE KANTONA
SARAJEVO, ODRŽANE 18.07.2012. GODINE
SA POČETKOM RADA U 09,00 SATI**

Sjednici prisustvuju poslanici/zastupnici:

SOCIJALDEMOKRATSKA PARTIJA BIH

1. Brigić Ivan
2. Crnogorac Branislav
3. Efendić Faruk
4. Fazlija Nedžad
5. Hajdarević Hadžem
6. Malić Mirjana
7. Papo Edina
8. Srna- Bajramović Segmedina
9. Vajzović Hanka

STRANKA DEMOKRATSKE AKCIJE BIH

1. Ademović Kemal
2. Dževad Hodžić
3. Čomor Eldar
4. Konaković Elmedin
5. Zukić Amir
6. Amor Mašević

SAVEZ ZA BOLJU BUDUĆNOST

1. Rađo Dževad
2. Naser Nabil
3. Filipović Selma
4. Talović Munir
5. Solaković Adnan
6. Ademović Kenan
7. Izudin Bajrović

STRANKA ZA BOSNU I HERCEGOVINU

1. Mehmedić Besim
2. Mulaosmanović Fikreta
3. Sabahudin Hodžić

NAŠA STRANKA- NOVA SOCIJALISTIČKA PARTIJA- Zdravko Krsmanović

1. Kojović Predrag
2. Danis Tanović

NARODNA STRANKA RADOM ZA BOLJITAK

1. Čardžić Damir

BOSS- Mirnes Ajanović

1. Radeljaš Esed

SAMOSTALNI POSLANICI/CE

- 1.Zeković Enes
- 2.Jurić Mira

Predsjedavajuća Skupštine Kantona Sarajevo Mirjana Malić je pozdravila sve prisutne i otvorila 18. Radnu sjednicu Skupštine Kantona Sarajevo.

Prema evidenciji Službe, 27 poslanika je prisutno, što je dovoljan broj za punovažan rad i odlučivanje.

Izostanak sa ove sjednice opravdali su sljedeći poslanici: Haris Alić, Pindžo Mirsad, Nermin Pećanac i Zaim Backović.

Prijedlog dnevnog reda 18. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 04.07.2012 .godine.

Prije prelaska na utvrđivanje Dnevnog reda, predsjedavajuća Mirjana Malić je podsjetila da u skladu sa odredbama člana 155. Poslovnika Skupštine Kantona Sarajevo o Prijedlogu za donošenje Zakona o izmjeni i dopuni Zakona o plaćama i naknadama u organima vlasti Kantona Sarajevo, po hitnom postupku, Skupština odlučuje kao o prethodnom pitanju prije utvrđivanja dnevnog reda sjednice.

Predsjedavajuća je pozvala premijera Fikreta Musića da u vezi sa hitnom procedurom Prijedloga Zakona o izmjenama i dopunama Zakona o plaćama iznese obrazloženje hitnog postupka ili stav Vlade.

Premijer Fikret Musić se obratio Skupštini i u svom obraćanju dao obrazloženje u vezi sa hitnom procedurom Prijedloga Zakona o izmjenama i dopunama Zakona o plaćama.

Skupština je, jednoglasno (29 za) utvrdila sljedeći

DNEVNI RED:

1. Poslanička pitanja, inicijative i odgovori;
2. Informacija o stepenu realizacije skupštinskih zaključaka za čiju je realizaciju zadužena Vlada Kantona Sarajevo;
3. Nacrt zakona o izmjeni i dopuni Zakona o plaćama i naknadama u organima vlasti Kantona Sarajevo;
4. Prijedlog Zakona o izmjenama i dopunama Zakona o visokom obrazovanju;
5. Nacrt zakona o utvrđivanju i obilježavanju “Dana zahvalnosti pripadnicima Oružanih snaga RBiH”, uspostavi javnog priznanja “Povelja veterana branitelja Sarajevo“ i proglašenje gradskih općina sa područja Kantona Sarajevo herojskim u Kantonu Sarajevo;
6. Nacrt zakona o javnim skijalištima;
7. Prijedlog odluke o dopunama Odluke o usvajanju projekta „Opsada i odbrana Sarajeva 1992-1995. godine“;
8. Prijedlog odluke o izmjenama i dopunama Odluke o legalizaciji građevina izgrađenih bez odobrenja za građenje i građevina privremenog karaktera;
9. Izvještaj iz oblasti sporta za 2011. godinu;
10. Izvještaj o radu i finansijskom poslovanju Kantonalne javne ustanove za zaštićena prirodna područja za 2011. godinu, sa Odlukom Upravnog odbora o usvajanju Izvještaja,

sa Mišljenjem Ministarstva finansija Kantona Sarajevo i Mišljenjem Ministarstva prostornog uređenja i zaštite okoliša Kantona Sarajevo;

11. Studija o zdravstvenom stanju stanovništva, higijenskim prilikama i zdravstvenoj djelatnosti u Kantonu Sarajevo u 2011. godini, sa Mišljenjem Ministarstva zdravstva i Prijedlogom mjera za poboljšanje zdravstvenog stanja stanovništva i higijenskih prilika na Kantonu Sarajevo;

Uz poziv za sjednicu i u dopunskom materijalu, kao informativni materijal, poslanicima je dostavljena:

- Informacija o provođenju Zakona o novčanim podsticajima u primarnoj poljoprivrednoj proizvodnji na području Kantona Sarajevo za 2011. godinu;
- Izvještaj o radu Upravne inspekcije za period od 1.1. do 31.12.2011. godine;
- Informacija o poslovanju kantonalnih komunalnih i javnih komunalnih preduzeća za 2011. godinu;
- Informacija o poslovanju KJKP "Gras" d. o. o. Sarajevo za 2011. godinu.

PRIJE PRELASKA NA PRVU TAČKU DNEVNOG REDA, PREDSEDAVAJUĆA JE POZVALA POSLANIKE DA SE IZJASNE O ZAPISNICIMA SA 16. RADNE SJEDNICE ODRŽANE DANA 19.06.2012. GODINE I 17. RADNE SJEDNICE ODRŽANE DANA 27.06.2012.GODINE.

Zapisnik sa 16. Radne sjednice poslanicima je dostavljen uz poziv za sjednicu, zajedno sa stenogramom iste sjednice.

Bez primjedbi, Skupština je, jednoglasno (30 za) potvrdila Zapisnik sa 16. Radne sjednice Skupštine Kantona Sarajevo, održane dana 19.06.2012 . godine.

Zapisnik sa 17. Radne sjednice poslanicima je dostavljen u dopunskom materijalu, zajedno sa stenogramom iste sjednice.

Bez primjedbi, Skupština je, jednoglasno (27 za) potvrdila Zapisnik sa 17. Radne sjednice Skupštine Kantona Sarajevo, održane dana 27.06.2012 . godine.

AD – 1.

POSLANIČKA PITANJA, INICIJATIVE I ODGOVORI

Dio odgovora na poslanička pitanja poslanici su dobili uz poziv za sjednicu, dio u dopunskom materijalu, a dio odgovora uručen im je pred početak sjednice.

Komentare na dobijene odgovore na poslanička pitanja imali su sljedeći poslanici: Amir Zukić, Enes Zeković, Danis Tanović i Besim Mehmedić.

Poslanik Predrag Kojović je postavio pitanje i pokrenuo inicijativu: "Moje pitanje je upućeno ministru obrazovanja. Ovih dana je bilo lako prepoznati studente koji su išli da diplomiraju ili imaju završne ispite na Fakultetu političkih nauka jer je svako od njih nosio poklon za profesora, flašu nekog skupog pića ili kravatu. Uzimam samo Fakultet političkih nauka kao primjer, očigledno je da je praksa već dugotrajna i uspostavljena je na svim fakultetima. Ja se nadam da će se ministar složiti sa mnom da se radi o jednoj moralno neodbranljivoj praksi. Mi, ja recimo smatram da profesori nastavnici, dekani koji primaju lične poklone od studenata bi trebali da budu predmet Tužilaštva kantonalnog i da ne bi trebali da budu dio nastavnog procesa. Ali me zanima koji je stav ministra po ovom pitanju, hoće li ovu praksu i dalje tolerisati ili će nešto učiniti da je prekine?"

"O prosjačenju odnosno o industriji prosjačenja koja cvijeta u Sarajevu najčešće se govori kao o estetskom a ne o etičkom problemu. Većini prolaznika na Ferhadiji sigurno zasmeta prizor malog polugolog dječaka koji iz petnih žila pjeva kafanske hitove, ali rijetko ko u tom momentu pomisli da smo upravo svjedoci modernog robovlasništva. Robovi su najčešće žene i djeca. Da bi isprosili više, neki od njih su namjerno unakaženi, bebe da bi im se spriječilo plakanje su drogirane pilulama za spavanje, a ostali su prisiljeni da glume neku psihičku ili fizičku hendikepiranost. Ja ne sumnjam da policija ili vlast znaju vrlo precizno ko su njihovi robovlasnici ili gazde, gdje prebivaju i kako organizuju ovu armiju prosjaka ali očigledno je da političke i druge volje za rješavanje ovog socijalnog problema nema još uvijek. Međutim, djeca koja rade i koja su zloupotrijebljena za ovo su zaista nevine žrtve. Njima je uskraćeno sve što pripada jednom normalnom djetinjstvu i uskraćena im je i šansa da imaju jedan normalan pristojan život. Jedna od rijetkih institucija u Kanton Sarajevo koja je bavi ovim problemom je Dnevni centar. To je kuća u kojoj se djeca koja na ulici prose mogu skloniti u toku dana barem na par sati, gdje se mogu okrijepiti, okupati, nešto pojesti i eventualno čak učestvovati u nekom obrazovnom procesu koji uposlenici ovoga centra za njih tamo priređuju. Ja ću sada zaista pokušati da skratim. Koliko je važan taj centar i kakav je njegov efekt, možda će vam reći činjenica da neki od njihovih bivših štićenika su u međuvremenu promijenili svoj način života, završili škole, i sada rade u tom centru gdje pomažu drugoj djeci da izađu iz tog pakla prosjačenja. Znači taj dnevni centar zaista uspijeva da spasi kako bih rekao bar neku od te djece. Kao što ste mogli vidjeti iz medijskih natpisa taj centar je došao u finansijske teškoće i prijeti mu zatvaranje. Ja smatram da je zaista moralna obaveza Vlade Kanton Sarajevo da osigura rad ove institucije ali nadam se da se u skorije vrijeme na jedan ozbiljan i urgentan način uhvati u koštac sa problemom organiziranog prosjačenja, i roditeljske zloupotrebe djece. Prvi korak po nama bi trebalo biti premijeru jedna finansijska pomoć ovom centru koja bi mu omogućila da nastavi da radi, a drugi korak bi bilo uvođenje ovoga centra u sistem javnih institucija ustanova Kanton Sarajevo. To je otprilike naša inicijativa."

Zastupnica Fikreta Mulaosmanović, postavila je zastupničko pitanje: "Izbor direktora OŠ Zaim Kolar Dejčići Trnovo traje već 13 mjeseci. Stoga postavljam pitanje ministru obrazovanja, nauke i mladih zašto školski odbor nije izvršio izbor istog. Ukoliko postoje nesuglasice a očito postoje zašto se ne raspiše novi konkurs? Također postavljam pitanje po kojem pravu ili čijoj instrukciji predsjednica školskog odbora OŠ Zaim Kolar osporava pravo glasa naknadno legitimno izabranim članovima školskog odbora, a radi se o dva člana iz reda Vijeća roditelja ako imaju saglasnost za izbor u školski odbor. Obrazloženje: u međuvremenu je došlo do izmjene Zakona o osnovnom obrazovanju i školski odbor sada broji sedam članova, u skladu sa zakonom i pravilnikom o izboru i imenovanju i načinu rada školskih i nadzornih odbora u osnovnim školama Kanton Sarajevo. Ovo naravno potvrđuje primjena člana 89 i 91 Zakona o osnovnom odgoju i obrazovanju koji je donesen 23.11. 2011 godine. Zanima me dalje zbog čega donosimo zakone ako ih nećemo poštivati i primjenjivati odnosno ako ćemo ih tumačiti i primjenjivati onako kako kome odgovara?"

Poslanik Hodžić Sabahudin, postavio je sljedeće poslaničko pitanje:

"Ja imam pritužbe isto građana Općine Trnovo a tiču se Sarajevo šuma. Imam pritužbe građana da Sarajevo šume fizički zaprećavaju šumske puteve gromadama kamenja i zemlje u predjelu Igmana pa sve do Treskavice, tačnije do Kilavca, tako da šumski putevi u ovom rejonu su zatvoreni tako da motorna vozila ne mogu proći pa ni građani do svojih privatnih šuma i svojih posjeda. Ti putevi su se uvijek koristili i oni su potrebni građanima. Čak je i lokalna zajednica ulagala u izgradnju ovih puteva zajedno sa italijanskom nevladinom organizacijom praveći od ovih puteva biciklističke staze. Mišljenja sam da trebamo štiti šumsko dobro a da li je ovo način na koji se ono štiti. Građani imaju problema sa sječom ogrevnog drveta. A svaki dan privatnici izvoze naše šumsko dobro uništavajući naše puteve a ne ulažući ništa u njih. Pitam zašto je ovo urađeno i šta se misli uraditi po ovim pitanjima da se izbjegnu ove barijere jer da dođe do pojave šumskog požara vatrogasna vozila ne mogu proći da gase isti zbog ovih zapreka koje su postavile Sarajevo šume. Imam još jedno pitanje gdje tražim da mi javna kantonalna preduzeća dostave svoje poslovne rezultate u periodu 01.01.2000 do 30.06.2012 godine sa ukupnim prihodima, rashodima, amortizacijom, dobitkom ili gubitkom, brojem zaposlenih i budžetskom podrškom sve ovo za svaku godinu. Razlog zbog kojeg ovo tražim su nepotvrđene informacije da je gubitak ovih preduzeća u ovom periodu oko 900 miliona KM. Hvala."

Zastupnica Edina Papo se obratila Skupštini: "Uvažena predsjedavajuća, dopredsjedavajući, premijeru ministri, kolege i kolegice, dragi gosti ja bih htjela u stvari da izrazim jednu želju svoju nas svih naši sportisti čije je djelo stvarano godinama strpljivo uz puno znanja i talenta idu na najznačajnije sportsko dešavanje u životu. Šest sportista pet trenera možda je skroman broj koji će nas predstavljati na Olimpijadi u Londonu 2012 godine. Iako je mali broj ljudi koji će ići u London to nikako ne znači da naši evropski prvaci značajni i ozbiljni uspjesi naših sportista nisu zaslužili svaku sreću i uspjeh. Znamo da će ih služiti dobro zdravlje, sportska sreća i volja za uspjehom i želimo im sretan put i svako dobro."

Poslanik Elmedin Konaković je pokrenuo inicijativu:

"Ja imam jednu inicijativu u ime Saveza udruženja logoraša Kanton Sarajevo, u kojoj se kaže: Molimo vas da u narednoj sjednici Skupština Kantona Sarajevo iznesete poslaničko pitanje vezano za besplatan upis djece preživjelih logoraša na redovan samofinansirajući studij na visokoškolskim ustanovama. U nastavku ima obrazloženje. Ja sam potpisao ali je inicijativa Saveza udruženja logoraša. Ponavljam treći put inicijativu Ministarstvu saobraćaja tako da nema potrebe da je u pisanoj formi dostavljam, imate već dvije identične, a kaže se: molimo resornog ministra Lulića da organizuje sastanak predstavnika Skupština Kantona Sarajevo ,

ministarstva, taksi udruženja ,MUP-a Kanton Sarajevo i Uprave za inspekcijske poslove kako bi se još kvalitetnije pristupilo rješavanju problema taksi prevoza u gradu. I imao sam inicijativu, evo stavio sam je ad akta, pošto je kolegica Mulaosmanović u potpunosti iščitala, a ja bih dodao samo još nekoliko pitanja na ovu pitanje ili inicijativu. Da li je moguće da gore postoji neka predsjednica školskog odbora koja te evo nazovimo to reformske procese koje smo u dijelu Zakona u osnovnom obrazovanju posebno potencirali a tiče se što većeg učešća roditelja u školskim odborima i uposlenika u školskim odborima kako bi smo što više smanjili politički uticaj na izbore ljudi koji odgajaju i obrazuju našu djecu. Sada gore postoji neka žena koja potpuno negira i Zakon i one koji su izabrani da štite interese roditelja i uposlenih te škole. Dakle, ona je, ja imam i neki zapisnik sa te sjednice, prekinula tu sjednicu, nije dozvolila ljudima da se po važećem zakonu uopšte izjasne o prijedlogu ustvari saglasnosti koje je Ministarstvo i Vlada poslali na imenovanje direktorice ili direktora te OŠ. I nadamo e ministre da ćete nam danas odgovoriti usmeno na ovo pitanje a da ćemo s ovim problemom od danas, sutra i prekосуtra što prije baviti kako bi se što prije riješio taj problem."

Poslanik Branislav Crnogorac postavio je poslaničko pitanje: "Na osmom mjestu hroničnih masovnih nezaraznih bolesti spadaju maligne neoplazme. S obzirom da smo već utvrditi postojanje PET CT scena na KCUS, slijedi moje pitanje, kada će ovaj uređaj postati dostupan žiteljima ovog kantona? Ne treba posebno naglašavati da pravilno liječenje malignih neoplazmi prosto nije moguće nigdje u svijetu bez navedenog uređaja. Znamo da je taj uređaj plaćen 6 miliona, znamo da je nađena prostorija za taj uređaj, da su čak stručni kadar da je osposobljen, ali evo kada će početi sa radom taj uređaj?"

Poslanik Nedžad Fazlija pokrenuo je inicijativu: "U znak sjećanja na naših 13 poginulih sugrađana 12. jula sam prisustvovao polaganju cvijeća i odavanju počasti u Ul Hakije Turajlića do broja 39 na Dobrinji. Masakr se dogodio 1993 godine kada je teže ili lakše ranjeno još 14 naših sugrađana. Tog tragičnog dana čekajući u redu za vodu od rasprskavajućeg dejstva minobacačke granate ispaljene sa agresorskih položaja ubijeni su Ilham Jelovac, Ajdin Kirlić, Ljiljana Matić, Nedžiba, Rahima i Sidajeta Mehonić, Dragica Mićanović, Sulejman Selimović, Zoran Simić, Enisa i Ibro Talić, Jasna i Stela Tvrković. Pokrećem inicijativu da se u okviru postojećeg spomenika na adekvatan način iznađe rješenje i upišu imena ubijenih sugrađana što je i želja njihovih porodica. Nadam se da će nadležne kantonalne i općinske službe pozitivno odgovoriti na ovu inicijativu i da će 20 tu godišnjicu od ovog tužnog i bolnog događaja na spomeniku biti upisana imena naših Dobrinjaca."

Poslanik Enes Zeković pokrenuo je inicijativu i postavio poslaničko pitanje:

"Zastupničko pitanje inicijativa, kako god hoćete resornom ministru Luliću, a evo vidim da je prisutan i direktor Grasa da se vidi mogućnost preispitivanja reda vožnje Sarajevo Vogošća. O čemu se radi? Problem radnika koji rade u drugoj smjeni, koji rade do 20,00 sati, nemogućnost vraćanja kući tek do 21,00 sat. Ne znam u čemu je problem čak sat i sat i pol vremena ljudi čekaju dole na stanici gradski prevoz da bi se vratili kućama."

"I drugo zastupničko pitanje Ministarstvu tj. ministru kulture i sporta kako i na koji način se vršila podjela VIP ulaznica za prisustvo za SFF-u? Da li je to bilo izvlačenje putem šešira ili na neki drugi način? O čemu se radi? Ja želim da kažem izrazim zahvalnost privatnoj firmi koja je organizovala SFF. Međutim znajući da je Kanton Sarajevo znatna sredstva prebacio za održavanje takvog filmskog festivala u iznosu od 190.000 KM mislim da se moralo povesti malo više računa kako i na koji način ta privatna firma uzvraća ovoj instituciji."

Poslanik Besim Mehmedić, pokrenuo je inicijative:" Moja prva inicijativa je da s obzirom da smo danas i ovih dana svjedoci da se u Hagu vrši sudski proces koji je veoma bitan za BIH, za sve nas građane, građani putem medija dobivaju inserte sa tog suđenja i Karadžiću i Mladiću, državna bh TV očigledno ne vrši direktan prenos, ja imam inicijativu prema Ministarstvu pravde i Vladi da iznađu mogućnost, znam da su to dodatni troškovi da KTV ukoliko je to moguće odmah pristupi direktnom prenošenju sjednica procesa suđenja i Karadžiću i Mladiću. Obrazloženje ja mislim da je nepotrebno.2

"Druga moja inicijativa koju sam i u dogovoru sa kolegama na Kolegiju nagovijestio premijeru možda malo izgleda nekome zakašnjela ali za dobru stvar ja mislim da nije nikada kasno. Naime, pokrećem inicijativu da Skupština Kantona Sarajevo donese zaključak u kojem bi se Vlada Kanton Sarajevo obavezala da u ime Kanton Sarajevo a skladu sa budžetom Kanton Sarajevo za 2012 godinu uputi putem Ambasade Italije novčanu ili adekvatnu pomoć stradalim stanovnicima Sjeverne Italije od zemljotresa koji se dogodio krajem maja ove godine. Objašnjenje: uvjeren sam da ovim činom građani Sarajeva pa i BIH, solidarišući se sa stanovnicima Sjeverne Italije dijele solidarnost sa svim stanovnicima Italije, prema stradalim, te bar simbolično ne zaboravljaju dokazanu solidarnost Italije i njenih državljana i građana koja je upućivana građanima Sarajeva i BiH u onom najtežem i naodсутnijem trenutku za BIH. I imam jedno zastupničko pitanje, pa pošto već imam dvije inicijative, imao sam dva pitanja pa ću iz korektnosti ostaviti samo jedno pitanje, a drugo za narednu sjednicu.

Upućeno je premijeru. Prema podacima koje je Privredna komora Sarajevo objavila 03.07. 2012 godine stoji da je u Kanton Sarajevo industrijska proizvodnja za period januar maj 2012 godine manja za skoro 8% u odnosu na isti period 2011 godinu. Da je u maju 2012 godine broj nezaposlenih iznosi 70.283 što je povećanje za 1,5% u odnosu na isti period 2011 godine. A naravno u odnosu na 2010 godinu kada je bilo 68.000 nezaposlenih. Postavljam pitanje premijeru i Vladi. Zašto Vlada Kantona nije reagovala na pad industrijske proizvodnje, i povećanje nezaposlenosti u Kanton Sarajevo u proteklih evo više od godinu i pol te šta namjerava konkretno poduzeti na stvaranju ambijenta za bolju industrijsku proizvodnju i zaustavljanja povećanja nezaposlenosti u Kanton Sarajevo?"

Poslanik Nabil Naser postavio je poslanička pitanja: "Naime svima je poznato da je od nedavno na snazi nova lista lijekova Kanton Sarajevo, tj odluka o novoj listi lijekova Kanton Sarajevo koja je donešena 24.04.2012 gospodine koju je usvojila Vlada Kantona. Član 16 navedene odluke koji se odnosi na ugovorene apoteke tačka 3, podtačka i, stoji da će zavod raskinuti ugovor sa apotekom ako apoteka neobezbjedi asortiman svih lijekova koji se prepisuju i izdaju na teret sredstava obaveznog zdravstvenog osiguranja. Od dosta građana dobio sam žalbe da uglavnom moraju ići u dvije tri apoteke da bi mogli podići propisane lijekove. Znači, legislativa je eksplicitna, a li sprovedba od strane ugovornih apoteka je nikakva. Jer sve spada na jednog kantonalnog farmaceutskog inspektora, koji vjerovatno u prosjeku može posjetiti jednu apoteku unutar svake dvije godine. Dakle, koristim ovu priliku da zamolim Ministarstvo zdravstva i ZZO Kanton Sarajevo, da izvrše analizu snadbjevenosti ugovorenih apoteka sa asortimanom svih lijekova koji se prepisuju i izdaju na teret sredstava obaveznog zdravstvenog osiguranja. Odnosno da se hitno ispita da li ugovorne apoteke raspolažu svim lijekovima i da li poštuju odluku o novoj listi lijekova, posebno član 16, tačka 3 podtačka i. A ukoliko ne poštuje navedenu odluku zahtijevam i tražim da s izvrši raskid ugovora sa tim apotekama, što je u skladu sa odlukom o novoj listi Kanton Sarajevo. Ovo govori da imamo pravu uzbunu u zdravstvu zaista. Izašla nova lista, apoteke nemaju sve lijekove i onda građani na žalost moraju hodati od jedne do druge apoteke i nemamo dovoljno jedinog jednog farmaceutskog inspektora imamo i to ne može biti. Unutar posljednje dvije tri godine ni jedan farmaceutski inspektor nije primljen, ja to govorim Upravi za inspeksijske

poslove i ne može jedan farmaceutski inspektor na području Kanton Sarajevo da obavi uvid u svim apotekama gdje njihov broj kontinuirano raste."

"Drugo, vrlo važno pitanje, a tiče se odluke Američke renomirane agencije za hranu i lijekove FDA gdje je nakon otkrića bakterija (bulkoholedira cepacija) proglasila uvoznu uzbunu i što znači da su potpuno zaustavljen uvoz proizvoda Hemofarm Vršac iz R Srbije. S obzirom da imamo i Hemofarm firmu u Banja Luci, koja uvozi proizvode iz matične firme Hemofarm Vršac Srbije i s obzirom da te lijekove Hemofarm Banja Luka distribuiraju na područje Kanton Sarajevo i FBiH, zahtijevam od ministarstva zdravstva Kanton Sarajevo da kontaktira i Federalno Ministarstvo zdravstva i Agenciju za lijekove BiH kako bi se izvršila analiza na bakteriju Burkholderija Sepacija, svih proizvoda koje Hemofarm Banja Luka uvozi iz matične firme Hemofarm Vršac u cilju sprječavanja eventualne pojave bolesti uzrokovane navedenom bakterijom koja dovodi do smrtnog ishoda. I naravno u cilju informiranja šire javnosti i naših građana o rezultatima urađenih analiza."

Poslanik Izudin Bajrović pokrenuo je inicijativu: "Ja sam već govorio o tome da po važećem Zakonu o pozorišnoj djelatnosti uposlenici u institucijama kulture uposleni na umjetničkim radnim mjestima nemaju pravo zasnivanja radnog odnosa na neodređeno vrijeme sve do navršanih 18 godina radnog staža do kada sklapaju dvogodišnje ugovore, što ih dovodi u neravnopravan položaj u odnosu na druge uposlenike i stvara razne druge probleme i što prije svega nije u skladu sa opštim Zakonom o radu. To a još neke dakle druge odredbe iz važećeg Zakona o pozorišnoj djelatnosti koje nisu dobra rješenja za funkcionisanje institucija kulture su razlog zašto ja danas pokrećem inicijativu prema Ministarstvu kulture i sporta da se pokrene izrada novog Zakona o pozorišnoj djelatnosti ili da se pristupi popravljajući odnosno izmjenama važećeg Zakona, te da se on uskladi sa opštim aktima."

Poslanica Segmedina Srna Bajramović postavila je poslaničko pitanje i pokrenula inicijativu: "Na 10. sjednici Skupština Kantona Sarajevo pokrenula sam inicijativu za izmjene i dopune Zakona o zakupu poslovnih zgrada i prostorija u dijelu koji se odnosi na zakupca istih, koji nakon odustanka od ugovora nositelju prava raspolaganja onemogućava da može pristupiti pečaćenju, preuzimanju poslovnih prostorija, odnosno raspolaganju istim što podrazumijeva i oglašavanje. Neću ponavljati tekst predloženih izmjena članova 36 i 37, jer isti postoji u inicijativu koju sam ranije pokrenula, samo mi dopustite da kažem obrazloženje zbog kojeg ponavljam ovu inicijativu. Naime u praksi općine najčešće osnov prestanka ugovora je prestanak na osnovu odustajanja od ugovora. A pretežno je to zbog ne plaćanja zakupnine. S obzirom na to da je dalje raspolaganje poslovnim prostorijama uslovljeno okončanjem sudskog postupka koji traje i po pet, šest godina, ovim izmjenama bi se omogućilo nositelju prava raspolaganja da iseljenje korisnika i preuzimanje u posjed poslovnih prostorija ostvari u upravnom postupku koji je brži i jednostavniji. Važećim zakonom, općine i drugi zakupodavci gubili su enormna sredstva. Recimo Općina Centar godišnje gubi 2 miliona maraka, što je 5% njihovog budžeta jer za vrijeme trajanja predugih sudskih procesa nisu bili u stanju izbaciti neplatiše i dodijeliti poslovne prostore drugom zakupcu. Dakle, kako bi općine mogle konzimirati svoja vlasnička prava i slobodno raspolagati svojim prostorom molim Ministarstvo privrede da što prije realizira inicijativu koja je tehničke naravi a rješava suštinska pitanja. Još ću napomenuti mišljenje ministarstva pravde da je ovaj zahtjev opravdan i usklađen sa važećim propisima i Evropskom poveljom o osnovnim ljudskim pravima i temeljnim slobodama.

I još mi dopustite da ponovim još jednu inicijativu, nastojat ću biti kratka. Dakle, u dva navrata sam dosadašnjem ministru Nedžad Ajanadžiću od doskorašnjeg ministra tražila da nam dostavi informaciju vezanu za realizaciju boračkih donacija u skladištu Tranzit Blažuj, gdje korisnici bivaju upućeni nakon izrade specifikacije od strane ministarstva, gdje su cijene

građevinskog materijala u prosjeku 40% više u odnosu na tržišne. Dakle, odgovor nikada nisam dobila tako da molim sada uvaženog ministra Karavelića da nam onako kako sam tražila dostavi kompletnu informaciju o pitanju koje sam postavila sa svim relevantnim procesnim radnjama i tenderskom dokumentacijom i postupcima odobravanja novca za građevinski materijal svima onima koji imaju pravo u skladu sa Zakonom o dopunskim pravima boraca. Sve ovo ponavljam zbog transparentnosti i svakako se nadam da je urađeno u skladu sa Zakonom o javnim nabavkama."

Poslanica Hanka Vajzović postavila je poslanička pitanja: "Zapravo imam dva pitanja koja su međusobno tijesno povezana i oba vezana za Nezavisni odbor za izbor i reviziju policijskog komesara. To se tijelo tako zove. Što znači da od skupštinskih službi, ne znam kome bih uputila ovo pitanje, ali do njih bih očekivala i dva temeljitija odgovora koja bi nam bila pripremljena ako je moguće u pisanoj formi do naredne sjednice. Činjenica da nismo imali traženu u nekoliko navrata traženu tematsku sjednicu posvećenu ovim problemima, sigurnosnim, a prije koji dan sam čula, nisam znala da postoji mnogočlani jedan ekspertni tim koji kaže da iz godine u godinu situacija se poboljšava, pa da ne bude vjerujemo njima a ne svojim očima, pri tome znamo kakve resorni ministar probleme ima u svome poslu, tako onda pitam, kakav je status konkursa ili zvaničnog, zvanično mu je naziv bio Javni poziv za imenovanje članova Nezavisnog odbora za izbor i reviziju policijskog komesara. Konkurs ili javni poziv raspisan prije više od jedne i pol godine, iz februara 2011 godine, nakon što je postojećem naravno sazivu tog odbora istekao mandat, a meni nije poznato iako jesam čak član komisije za izbor i imenovanje da je taj konkurs ikada na bilo koji način okončan. Niti je realiziran da je izbor izvršen niti je poništen zato što nije iz nekih razloga mogao biti realiziran. U međuvremenu su mediji, naročito Avaz u prvih nekoliko mjeseci po raspisivanju ovog javnog poziva bili vrlo zainteresirani i kritički se osvrtni naročito na pitanje testiranja kandidata koje se također nije nikada desilo. Promatrajući sve u svjetlu zabrinjavajuće sigurnosne situacije. Kasnije je povremeno bilo i zastupničkih pitanja u vezi s tim, a onda je nekako interes utihnuo. Sada mnogi pitaju i mene vjerovatno i druge šta je s tim. Potpitanje bi naravno moglo biti da li nama taj odbor i treba da li bi bilo išta bolje da ga imamo? Ali sigurno je proceduru usložnila i činjenica da je konkurs raspisan bez uobičajenih pogotovo onih posebnih uslova u kojem su se tražili ugledni stručnjaci iz oblasti pravnih nauka i kriminalističkih nauka i kriminalističkih prava, i nikakvi drugi dokazi i mi u Komisiji smo sigurno imali dosta rasprava o tome, ali evo u tom konkursu je još kazano, dakle koliko ga je vrijeme pregazilo, da se članovi biraju na prijedlog Komisije za izbor i imenovanja i gotovo nevjerovatno stajalo je uz konsultacije sa EUPM-om za vrijeme trajanja njihovog mandata. Danas više nema ni EUP-ema a u zakonu koji na žalost nikada nismo donijeli novi Zakon o unutrašnjim poslovima, tamo u onom postojećem stoji APTF itd pa onda prepravljen u EUPM i koga opet nema ni njega i onda su problemi dakle otišao je i EUPM nisu mogli ni pričekati da okončamo taj konkurs koji toliko traje. Dakle, moje prvo pitanje kakav je status tog konkursa? Drugo pitanje koje je kraće čini se jednostavnije, mada ne mora biti i odgovor jednostavan, kakav je pravni status postojećeg Nezavisnog odbora:

- a. da li ga uopće imamo
- b. je li u punom sastavu ili se na neki način rekla bih osuo
- c. radi li išta
- d. da li za to naplaćuje, radio ne radio

u svakom slučaju njihov je mandat istekao prije dvije godine a ne sjećam se da smo u ovoj Skupštini ikada imali na dnevnom redu imali ikakav njihov izvještaj o radu pa kada tako i jeste smatram da će biti korisno dobijemo li barem izvještaj o njima. Mislim da bi ovo pitanje

ako se dobro izanalizira iščisti i riješi bilo vrlo korisno za Ministarstvo i svakako resornog ministra koji se sigurno već odavno bori sa problemima u oblasti sigurnosti."

Poslanik Kenan Ademović postavio je poslanička pitanja:"Prvo pitanje je prema ministru saobraćaja gđinu Luliću i prema direktoru Grasa gđinu Kadiću. Molim gđina ministra i gđina Kadića da mi dostave informaciju ko je odobrio kupovanje praonice za trolejbuse koja stoji u krugu Grasa i koja propada. Da li je bio raspisan tender za istu i da li je tačno da je praonica koja propada i koja se ne koristi koštala više od 2,5 miliona KM?"

"Drugo pitanje je prema ministru obrazovanja. Da li je Filozofski fakultet u Sarajevu privatiziran te za njegovog dekana ne vrijede propisane procedure o izboru nastavnika prema Zakonu o visokom obrazovanju Kanton Sarajevo, te provodi maratonske procedure o 14 mjeseci bez da imamo završen konkurs izbor predmetnog nastavnika na ovom fakultetu? Tj. Kako je moguće da se na fakultetu raspiše konkurs na predmetu Historija istočnih filozofija i da traje punih 11 mjeseci? Zatim bude poništen bez obrazloženja poništavanja, bez dobivanja referata i bez izbora predmetnog nastavnika? Da li je ovo kršenje zakonom propisanih procedura o izboru nastavnika? Jer ako se usvoji praksa da se zbog isključivo propuštanja uprave fakulteta da na vrijeme sprovede konkursne procedure pa zbog toga otkáže bilo kojeg nastavnika, onda je ovo ozbiljan i opasan presedan u kojem akademska ali i šira kulturna javnost Kanton Sarajevo mora biti upoznata. I šta je Vlada Kanton Sarajevo i resorno ministarstvo i ministar učinili već po ranije odbijenoj preporuci institucije ombudsmena za ljudska prava , preporuka broj P-19/12 od 13. 02.2012. godine."

Nadalje, poslanik je pokrenuo inicijativu:"da se riješi pitanje pitke vode, tj gradske vode prema padinskim dijelovima Vogošće, tj prema naseljima Jošanica i Kremeš a gdje je postavljena kompletna infrastruktura, jer ista naselja nemaju vodu sem onu koju koriste iz bunara, a to već traje 25 godina."

Poslanik Esed Radeljaš pokrenuo je inicijative: "Prva, molim da mi Ministarstvo privrede Kanton Sarajevo kao resorno ministarstvo dogovori na osnovu čega JP BH šume Sarajevo koriste poslovnu zgradu u UL Maršala Tita 7 u Sarajevu i istu izdaju pod zakup?"

Obrazloženje: prema podacima kojim raspolajem predmetna zgrada je napravljena namjenski za institucije šumarstva koje su istu na osnovu validne dokumentacije koristile od 1949 do 1992 godine nakon čega je 1996 godine zgradu koriste i istom raspolaze JP BH šume koje veći dio poslovnog prostora izdaje pod zakup različitim pravnim subjektima i po tom osnovu ostvaraju značajnu finansijsku dobit. Prema dostupnim saznanjima pravo raspolaganja na predmetnoj zgradi ima projektno preduzeće Šuma projekt Sarajevo. Smatram da bi bilo racionalno da se utvrdi stvarno stanje vlasništva nad predmetnom zgradom i da se u istoj smjeste sve šumarske institucije koje trenutno iznajmljuju poslovne prostore na različitim lokacijama i u gradu i za iste plaćaju visoke zakupnine.

I ponavljam, poslije tri inicijative koje sam podnio na ime legalizacije bespravniha objekata ovim putem želim ministru Zlatku da zahvalim na ovome što je poduzeo odmah da riješi to pitanje. I ujedno bih ponovio inicijativu da razmotri da s omogući naravno u razumnom roku i priključak električne energije, kanalizacije, vode na urbanističku saglasnost dok se ne riješi ovo pitanje. "

Poslanica Mira Jurić postavila je poslaničko pitanje:"Glavni grad BIH , olimpijski grad, turistički grad, hoćemo u EU, poznat po SFF, Bašaršijskim noćima, i još mnogim kulturnim sadržajima, to je naše Sarajevo a nema najosnovnije što je sramota za ovaj Kanton i šire a to su mjenjačnice. Kako strani turisti kojih je Sarajevo do sada posjetilo preko 70.000 da potroše i ostave ovdje novac a znamo da je obavezno plaćanje u konvertibilnim markama a oni nemaju gdje da zamijene novac jer banke rade do 19,00 sati eventualno do 20,00 i to je kraj

što se tiče mijenjanja novca. Tu dovodimo turiste a i uposlenika trgovačkih i ugostiteljskih objekata u nezdoran položaj jer moraju kršiti Zakon ili biti neljubazni jer sam i učestvovala u par situacija gdje se to dešavalo, a oni nisu krivi. Evo na primjer u najbližem našem okruženju u Hrvatskoj ili Srbiji isključivo primaju svoju valutu ali imaju na svakih 10 metara mjenjačnicu. Sramota je na našim olimpijskim planinama na našim izletištim nigdje nema mjenjačnice, turisti ne mogu popiti kafu a o ručku ili nekom suveniru da i ne pričamo. Moje pitanje može i inicijativa kada će se u glavnom gradu a i šire otvoriti mjenjačnice koje će raditi i služiti turistima i građanima za njihove potrebe? Koristi i mnogo gradu a i kantonu. Ne bih odgovor ima, jer ja dolazim iz najveće općine što se tiče Kantona, Bih a moguće i šire i ni jedne mjenjačnice na tom području nema."

Poslanik Amir Zukić postavio je poslaničko pitanje: "Dok s kolege govorile o podršci olimpijskim kandidatima imao sam niz poziva ljudi sugestija da dopunimo ovu podršku, a tiče se našeg bacača kugle koji je u SAD ispunio normu, a nema sredstava ni za avionske karte, pa očekujem da Vlada i Ministarstvo kulture odreaguju u tom pravcu i omogućće onome ko je ispunio sve zadate norme da se priključi našoj delegaciji i aktivno učestvuje i time mu i na ovaj način javno damo podršku. To je jedno. I drugo bih postavio pitanje radeći u radnim tijelima evo i na sjednicama Skupštine, dolazeći u Vladu kantona. Primijetim velik broj novih uposlenika. I to je dobro. Dolaze novi ljudi, rade i sve je u redu. Ima jako mnogo mladih i to je sve dobro. Ali mene jedna stvar interesuje na osnovu kojeg kriterija, na osnovu kojeg zakonskog propisa su ti ta lica angažovana, da li su to pripravnici, volonteri, da li su to novi uposlenici? Ne vidim javnih konkursa u sredstvima informisanja pa me interesuje i postavljam pitanje?"

Poslanik Adnan Solaković postavio je poslaničko pitanje: "Ovo se odnosi na Komisiju za izbor i imenovanje skupštine i Vladi Kantona. Jedno dva puta sam vama predsjedavajuća postavljao ovo pitanje odgovora nisam nikada dobio, čak šta više jedan je bio nekorektan odgovor s vaše strane kada sam postavio pitanje da sam na godišnjem odmoru šest mjeseci. Ovo se sada odnosi na Komisiju za izbor i imenovanje po kojem se pravnom osnovu uplaćuju novčane naknade članovima tzv Nezavisnog odbora za izbor i reviziju policijskog komesara, obzirom da je istom istekao mandat 30.03.2012 godine i da im nije produžen mandat te zašto nije imenovan neovisni odbor u skladu sa zakonom i javnim konkursom koji je raspisan u prvom kvartalu 2011 godine? Sada se ovo odnosi drugo prema Vladi, zašto Vlada ne provodi Ustavom i zakonom organizacije federalnih organa uprave utvrđene i propisane nadležnosti vršenja nadzora nad organima uprave. U konkretnom slučaju MUP-a, obzirom da ne postoji tijelo, odnosno Nezavisni odbor koji po zakonu o unutrašnjim poslovima vrši nadzor nad radom policijskog komesara? Imajući u vidu da član 18, tačka f Ustava kantona utvrđuje da Vlada vrši nadzor nad radom policije. A pomenuti Zakon o upravi i obavezama da Vlada daje smjernice i smjenjuje rukovodioce organa uprave i upravnih organizacija za koje ocijeni da ne efikasno i u dovoljno mjeri ne provode ustavom i zakonom propisane nadležnosti. Shodno navedenom tražim da mi Vlada dostavi odgovor zašto i nakon 15 mjeseci od isteka mandata Nezavisnog odbora ne preuzme Ustavom i zakonom propisane obaveze i utvrdi odgovornost funkcija koji su odgovorni za stanje sigurnosti u kantonu. Napominjem da je Ustav najveći pravni akti nad kojim smo podnijeli zakletvu a Zakon o organizaciji federalnih organa uprave je sistemski propis koji se mora provoditi. Tako da od profesorice i moje da se može napraviti jedno kvalitetno pitanje i da je krajnje vrijeme da više dobijemo taj odgovor.

Imam još jedno, ako nisam probio svoj vremenski limit. U okviru borbe za smanjenje nezaposlenosti Vlada Kantona Sarajevo usvojila je zaključak da se obavezno upute u penziju oni zaposlenici koji su korisnici budžeta, odnosno skupštinske službe, vladine službe, ministarstva, javne ustanove itd. Koji su ispunili uslove za penzionisanje u skladu sa zakonom

i kolektivnim ugovorima. Međutim, ovaj zaključak se u praksi ne poštuje i mnogi zaposlenici koji su stekli uslove još su u radnom odnosu i na njihovo mjesto mogli su doći novi ljudi sa Zavoda za zapošljavanje. Isto tako raširena je praksa da direktori javnih ustanova koji su ispunili uslove za penziju upravni odbori, školski odbori ostavljaju na pozicijama do kraja mandata i time se direktno krši Zakon a i zaključak Vlade. Šta će Vlada poduzeti da se njen zaključak provede u djelo i ko će odgovarati za nesprovođenje zaključka Vlade. U okviru gore navedenog molim da mi se dostave sljedeći podaci:

1. spisak zaposlenika koji su još u radnom odnosu a ispunili su uslove za penziju a korisnici su budžeta
2. spisak zaposlenika koji u ovoj kalendarskoj godini ispunjavaju uslove za penziju a korisnici su budžeta
3. spisak direktora javnih ustanova koji su ispunili uslove za penziju a još su na funkciji
4. spisak direktora javnih ustanova koji ispunjavaju uslove za penziju u ovoj kalendarskoj godini.

Poslanik Faruk Efendić postavio je poslaničko pitanje: " Naime, programom rada Vlade Kanton Sarajevo i programom rada Skupštine Kanton Sarajevo predviđeno je donošenje i usvajanje Zakona o unutrašnjim poslovima kako za prošlu tako i za ovu tekuću 2012 godinu. Pa svoje pitanje upućujem resornom MUP-u kada će dostaviti odnosno uputiti ovaj Zakon u proceduru? Evo zaista lično smatram da bi usvajanjem ovakvog jednog propisa riješili dileme koje su moje kolege postavile, a radi se o statusu Nezavisnog odbora. "

Poslanica Edina Papo, postavila je poslaničko pitanje:

"Moje pitanje je upućeno Ministarstvu prostornog uređenja. Naime, o čemu se radi? Dakle, Trg Harem Kalin Hadži Alijine džamije koji se nalazi pored trga Narodnog pozorišta, već duže vrijeme je zaista u jednom nezavidnom položaju, odnosno izgledu. Voljela bih da mi neko odgovori zašto se taj Trg barem koliko toliko adekvatno ne ogradi, pospremi, da se značajne iskopine istaknu i na kraju krajeva da se barem neko zelenilo tamo zasadi ili neko cvijeće. Zašto ovo govorim. Činjenica da se ovaj trg nalazi pored jednog vrlo važnog trga. Trga Narodnog pozorišta, ta zgrada je kulturno historijski spomenik, taj Trg se nalazi u centru grada, i da se taj Trg Harem Kalin pretvorio u divlji parking, u divlju šikaru i smetljište. Zaista mislim da bi bilo lijepo barem da se počešlja trava i zasadi zelenilo i mislim da bi to bilo dobro. "

Dopredsjedavajući Kemal Ademović je dao komentar:

Ja imam samo jedan kraći komentar. Obzirom da se prvi put obraćam, cijenjene zastupnice, "Dakle, moj komentar se odnosi na dio izlaganja zastupnice Vajzović. Ona je u svom obrazloženju spomenula Ekspertni tim koji kaže da je sigurnost povoljna. A da li treba sebi vjerovati ili svojim očima. Ja vjerujem da se radi o ekspertnom timu kojim ja predsjedavam i koji je jučer imao konferenciju za štampu. Znači na pravom sam putu. Dakle, dužan sam dati samo informaciju, pojašnjenje. To je Ekspertni tim Federalnog MUP-a formiran 2008 godine a na osnovu saglasnosti Vlade i rješenja federalnog ministra i njegova je uloga da se u oblasti sigurnosti u saobraćaju da vrši koordinaciju aktivnosti provedbe akcionog plana kada su u pitanju federalna i kantonalna ministarstva unutrašnjih poslova. I moram vas obavijestiti o sljedećem. Dakle, tu je zaista situacija povoljna. Kada smo započeli taj projekat 2008 godine, broj poginulih na području FBiH na godišnjem nivou bio je 243, mi smo zacrtali cilj da to do kraja projekta 2012 smanjimo za 30%. Svake godine se desilo smanjenje tako da je za 4 godine provedbe tog projekta došlo do smanjenja za 20,43% tako da je u 2011 godini na godišnjem nivou poginulo 177 lica na području FBiH. Iako vas baš zanima Kanton Sarajevo

onda je u Kanton Sarajevo za prvih šest mjeseci ove godine poginulo 9 lica, a isti period 2011 godine poginulo je 14 lica. Dakle, ovdje za prvih šest mjeseci u Kanton Sarajevo u odnosu na prošlu godinu došlo je do smanjenja za 5 lica. Dakle, mi to smatramo izuzetnim uspjehom i povoljnom situacijom u stanju sigurnosti u saobraćaju jer spašavanje ljudskih života je jedan od prioriteta svih institucija koje djeluju u okviru jedne države. "

Predsjedavajuća Mirjana Malić je pozvala članove Vlade da daju usmene odgovore na pojedina poslanička pitanja. Usmene odgovore na poslanička pitanja, dali su sljedeći ministri: ministar za obrazovanje, nauku i mlade Fahrudin Oručević, ministar zdravstva Zlatko Vuković, ministar prostornog uređenja i zaštite okoliša Zlatko Petrović i ministar privrede Rusmir Sendić.

AD – 2.

INFORMACIJA O STEPENU REALIZACIJE SKUPŠTINSKIH ZAKLJUČAKA ZA ČIJU JE REALIZACIJU ZADUŽENA VLADA KANTONA SARAJEVO

Za praćenje realizacije navedenih zaključaka i podnošenje izvještaja po istom zadužen je Sekretar Skupštine Kantona Sarajevo.

Sekretar Skupštine Abid Kolašinac se obratio poslanicima i dao informaciju o realizaciji dva zaključka.

Nakon obraćanja sekretara Skupštine, uslijedila je rasprava u kojoj su učestvovali: poslanik Elmedin Konaković, poslanik Predrag Kojović, poslanik Nedžad Fazlija, poslanik Eldar Čomor, dopredsjedavajući Kemal Ademović, premijer Fikret Musić, te predsjedavajuća Mirjana Malić.

AD – 3.

NACRT ZAKONA O IZMJENI I DOPUNI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO

Nacrt ovog zakona poslanici su dobili uz poziv za sjednicu.

U diskusiji po ovom Nacrtu zakona učestvovali su sljedeći poslanici: Elmedin Konaković, Besim Mehmedić, Zeković Enes, Naser Nabil, Damir Čardžić, Eldar Čomor, Amir Zukić, dopredsjedavajući Kemal Ademović, Hanka Vajzović, Dževad Hodžić, Danis Tanović, Mira Jurić, dopredsjedavajući Ivan Brigić i Amor Mašović. Poslanici su u diskusiji dali svoje komentare, te postavili pitanja za ministre. U raspravi su učestvovali i premijer Fikret Musić, ministar finansija Mirza Sendijarević, te Zilha Ademaj ministrica za rad i socijalnu politiku.

Nakon rasprave, predsjedavajuća je predložila DA SKUPŠTINA PO NACRTU ZAKONA O IZMJENI I DOPUNI ZAKONA O PLAĆAMA I NAKNADAMA U ORGANIMA VLASTI KANTONA SARAJEVO donese Zaključke i Skupština je, većinom glasova (18 za, 10 suzdržanih i 1 protiv) donijela sljedeće **ZAKLJUČKE**:

1. Utvrđuje se Nacrt zakona o izmjeni i dopuni Zakona o plaćama i naknadama u organima vlasti Kantona Sarajevo;

2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **30 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o izmjeni i dopuni Zakona o plaćama i naknadama u organima vlasti Kantona Sarajevo.

Poslanik Elmedin Konaković je izrazio sumnju u glasanje, pa je sekretar Abid Kolašinac proveo proceduru pojedinačnog izjašnjavanja, nakon kojeg je 19 poslanika glasalo ZA, 9 poslanika je bilo suzdržano i jedan je bio protiv.

Nakon izjašnjavanja, poslanici Fazlija Nedžad i Elmedin Konaković su zatražili pauzu, pa je uslijedila pauza za ručak od sat vremena.

N A S T A V A K N A K O N P A U Z E

AD – 4.

PRIJEDLOG ZAKONA O IZMJENAMA I DOPUNAMA ZAKONA O VISOKOM OBRAZOVANJU

Prijedlog ovog Zakona poslanici su dobili uz poziv za sjednicu, a u dopunskom materijalu dobili se amandmane Kluba poslanika SDA i Kluba poslanika SDP-a.

Uvodne napomene podnio je ministar za obrazovanje, nauku i mlade Fahrudin Oručević.

Poslanica Hanka Vajzović ,predsjedavajuća Komisije za obrazovanje iznijela je stav komisije po ovom Prijedlogu zakona.

Predsjedavajuća Mirjana Malić i poslanik Dževad Hodžić postavili su pitanja ministru Oručeviću i on je odmah dao odgovore na postavljena pitanja. Nakon kraće diskusije predsjedavajuće, poslanika Hodžića i ministra Oručevića, uslijedila je konstruktivna rasprava većeg broja poslanika, u kojoj su poslanici dali svoje komentare, te postavili pitanja za ministra. U diskusiji su učestvovali sljedeći poslanici: Besim Mehmedić, Dževad Hodžić, Elmedin Konaković, Amor Mašović, Hanka Vajzović, Kenan Ademović, dopredsjedavajući Kemal Ademović, Amir Zukić, Edina Papo, Damir Čardžić, Zeković Enes, Naser Nabil, Fazlija Nedžad, Hadžem Hajdarević, Predrag Kojović i Munir Talović. Odgovore na pitanja poslanika dali su ministar Oručević, gospodin Abid Fejzić ispred Ministarstva za obrazovanje, nauku i mlade i ministar privrede Rusmir Sendić.

Nakon zaključene rasprave, poslanik Elmedin Konaković je ispred Kluba SDA tražio pauzu od 15 minuta prije izjašnjavanja.

AMANDMANI KLUBA POSLANIKA SDA

AMANDMAN 1

U Članu 46. Prijedloga zakona o izmjenama i dopunama Zakona o visokom obrazovanju Kantona Sarajevo, a u vezi s Članom 114. Zakona o visokom obrazovanju Kantona Sarajevo, dio teksta „**Dosadašnji stav (3) postaje stav (2), stav (4) postaje stav (3), a st. (5), (6), (7) i (8) se brišu.**“ mijenja se tako da glasi:

„Dosadašnji stav (3) postaje stav (2), a stav (4) postaje stav (3).“

Iza novog stava (4) dodaju se stavovi (5), (6) i (7) koji glase:

„(5) Lice koje je izabrano u neko od akademskih zvanja prije stupanja na snagu ovog zakona može biti izabrano u više akademsko zvanje i prije isteka perioda na koji je birano ukoliko ispuni najmanje minimalne uvjete za izbor u više akademsko zvanje utvrđene ovim zakonom i ukoliko je provelo u nastavi najmanje tri godine nakon posljednjeg izbora.“

„(6) Mogućnost prijevremenog izbora u više akademsko zvanje na osnovu stava (5) ovog člana odnosi se samo na prvi naredni izbor u više akademsko zvanje lica iz stava (5) ovog člana, a može se ostvariti najkasnije tri godine nakon stupanja na snagu ovog zakona, nakon čega se svi izbori u akademska zvanja vrše na osnovu odredbi Člana 103. i drugih odgovarajućih odredbi ovog zakona.“

„(7) Odredbe iz st. (5) i (6) ovog člana ne primjenjuju se u postupku izbora u akademsko zvanje docenta, koji se odvija bez vremenskih ograničenja iz st. (5) i (6) ovog člana, i to u na osnovu odredbi Člana 103. i drugih odgovarajućih odredbi ovog zakona.“

SKUPŠTINA SA 14 GLASOVA ZA I 14 SUZDRŽANIH NIJE PRIHVATILA AMANDMAN 1 KLUBA POSLANIKA SDA.

AMANDMAN 2

U Članu 42. Prijedloga zakona o izmjenama i dopunama Zakona o visokom obrazovanju Kantona Sarajevo, a u vezi s Članom 102. Zakona o visokom obrazovanju Kantona Sarajevo, dio stava (1) koji glasi „**i to nakon izvršenog posljednjeg izbora u zvanje**“ mijenja se tako da glasi: „**i to nakon stjecanja važećeg akademskog zvanja**“.

SKUPŠTINA SA 14 GLASOVA ZA I 14 SUZDRŽANIH, NIJE PRIHVATILA, AMANDMAN 2 KLUBA POSLANIKA SDA.

AMANDMAN 3

U Članu 48. Prijedloga zakona o izmjenama i dopunama Zakona o visokom obrazovanju Kantona Sarajevo, a u vezi s Članom 116. Zakona o visokom obrazovanju Kantona Sarajevo, st. (3) i (4) brišu se, a umjesto njih uvode se novi st. (3), (4) i (5) koji glase:

„(3) Član akademskog osoblja koji je ispunio uvjete za prestanak radnog odnosa zbog navršениh 65 godina života, bez obzira na godine staža osiguranja, ima pravo, ukoliko mu to omogućava odluka o izboru u akademsko zvanje, ostati u radnom odnosu do isteka studijske godine u kojoj navršava 65 godina života.“

„(4) Članu akademskog osoblja koji navršava 65 godina života u toku studijske godine, a kojem nije istekao izborni period, visokoškolska ustanova je obavezna ponuditi zaključenje novog ugovora o radu, i to do isteka te studijske godine.“

„(5) Član akademskog osoblja iz stava (3) ovog člana ostaje u radnom odnosu u visokoškolskoj ustanovi do navršene 70. godine života, ukoliko nakon provedene konkursne procedure u skladu s Članom 104. ovog zakona na to mjesto nije izabran drugi nastavnik i ukoliko mu to omogućava odluka o izboru u akademsko zvanje. Član akademskog osoblja koji navršі 65 godina života ne može na osnovu konkursa biti biran u isto ili više zvanje.“

Iza novog stava (5) dodaju se novi st. (6) i (7) koji glase:

„(6) Procedura iz Člana 104. ovog zakona provodi se prije početka svake studijske godine.“

„(7) Nastavnik je o svojoj namjeri da ostane angažiran nakon završetka studijske godine iz stava (3) ovog člana obavezan pismeno upoznati rukovodioca organizacione jedinice najkasnije šest mjeseci prije navršениh 65 godina života.“

Dosadašnji stav (5) postaje novi stav (8), i on glasi:

„(8) Završetkom studijske godine u kojoj navršava 70 godina života, nastavniku prestaje mogućnost nastavničkog angažmana, po bilo kojem osnovu, uz izuzetak profesora emeritusa.“

SKUPŠTINA SA 14 GLASOVA ZA I 13 SUZDRŽANIH, NIJE PRIHVATILA, AMANDMAN 2 KLUBA POSLANIKA SDA.

NAKON IZJAŠNJAVANJA PO AMANDMANIMA PREDSEDAVAJUĆA JE POZVALA POSLANIKE DA PRISTUPITE IZJAŠNJAVANJU O PRIJEDLOGU ZAKONA O IZMJENAMA I DOPUNAMA ZAKONA O VISOKOM OBRAZOVANJU.

OD 28 PRISUTNIH 28 POSLANIKA JE PRISTUPILO GLASANJU, OD TOGA JE 16 GLASALO ZA, 10 SUZDRŽANIH I DVA PROTIV I SKUPŠTINA NIJE DONIJELA ZAKON O IZMJENAMA I DOPUNAMA ZAKONA O VISOKOM OBRAZOVANJU.

Na prijedlog predsjednika Kluba SDP-a, uslijedilo je pojedinačno izjašnjavanje nakon kojeg Skupština sa 16 glasova ZA, 3 protiv i 9 suzdržanih, nije donijela, ZAKON O IZMJENAMA I DOPUNAMA ZAKONA O VISOKOM OBRAZOVANJU.

AD – 5.

NACRT ZAKONA O UTVRĐIVANJU I OBILJEŽAVANJU “DANA ZAHVALNOSTI PRIPADNICIMA ORUŽANIH SNAGA RBIH”, USPOSTAVI JAVNOG PRIZNANJA “POVELJA VETERANA BRANITELJA SARAJEVO“ I PROGLAŠENJE GRADSKIH OPĆINA SA PODRUČJA KANTONA SARAJEVO HEROJSKIM U KANTONU SARAJEVO

Nacrt ovog Zakona poslanici su dobili uz poziv za sjednicu.

Ministar za boračka pitanja Vahid Karavelić podnio je uvodne napomene i njegovo izlaganje je u prilogu stenograma.

Predstavnici radnih tijela poslanik Amir Zukić i poslanik Faruk Efendić iznijeli su stavove Zakonodavno-pravne komisije i Komisije za boračka pitanja po ovom Nacrtu.

Nakon obraćanja predstavnika radnih tijela, uslijedila je diskusija u kojoj su poslanici obrazložili svoje stavove, te postavljali pitanja resornom ministru. U diskusiji su učestvovali: poslanik Dževad Rađo, poslanik Danis Tanović, poslanik Enes Zeković, poslanik Eldar Čomor, poslanik Besim Mehmedić, dopredsjedavajući Kemal Ademović, dopredsjedavajući Ivan Brigić, poslanik Damir Čardžić i poslanik Elmedin Konaković.

PAUZA DESET MINUTA NA ZAHTJEV KLUBA POSLANIKA SBB-a

Ministar za boračka pitanja Vahid Karavelić se nakon rasprave obratio Skupštini i povukao ovaj Nacrt zakona sa dnevnog reda.

AD – 6.

NACRT ZAKONA O JAVNIM SKIJALIŠTIMA

Uvodno izlaganje ministra kulture i sporta Dubravka Lovrenovića je u stenogramu ove sjednice.

Dodatne uvodne napomene po ovom Nacrtu podnio je i ministar privrede Rusmir Sendić.

U diskusiji po Nacrtu zakona o javnim skijalištima učestvovali su: poslanik Amir Zukić, poslanik Elmedin Konaković, poslanica Segmedina Srna Bajramović, poslanik Fazlija Nedžad, poslanik Besim Mehmedić, poslanik Zeković Enes i dopredsjedavajući Kemal Ademović.

Ministar Dubravko Lovrenović je dao odgovore na pitanja poslanika.

SKUPŠTINA JE PO OVOM NACRTU ZAKONA, JEDNOGLASNO (26 ZA), DONIJELA SLJEDEĆE ZAKLJUČKE

1. Utvrđuje se Nacrt zakona o javnim skijalištima;
2. Javna rasprava održaće se u kantonalnim organima, jedinicama lokalne samouprave, naučnim i stručnim ustanova i trajaće **45 dana**.
3. Primjedbe, prijedlozi, sugestije zastupnika i mišljenja radnih tijela Skupštine dostavljaju se Vladi Kantona Sarajevo koja organizuje i provodi javnu raspravu.
4. Vlada Kantona Sarajevo dužna je da nakon provedene javne rasprave podnese Skupštini Izvještaj o rezultatima javne rasprave koji sadrži primjedbe, prijedloge i mišljenja, kao i da da obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga zakona o javnim skijalištima.

AD – 7.

PRIJEDLOG ODLUKE O DOPUNAMA ODLUKE O USVAJANJU PROJEKTA „OPSADA I ODBRANA SARAJEVA 1992-1995. GODINE“

Prijedlog ove odluke poslanici su dobili uz poziv za sjednicu.

Ministar za boračka pitanja Vahid Karavelić podnio je uvodne napomene.

Poslanik Dževad Hodžić i poslanik Hadžem Hajdarević su bili jedini diskutanti po ovoj tački dnevnog reda.

Prijavljenih za raspravu više nije bilo, pa je predsjedavajuća pozvala poslanike DA PRISTUPE IZJAŠNJAVANJU O PRIJEDLOGU ODLUKE O DOPUNAMA ODLUKE O USVAJANJU PROJEKTA „OPSADA I ODBRANA SARAJEVA 1992-1995. GODINE“.

SKUPŠTINA JE, JEDNOGLASNO (26 ZA) DONIJELA ODLUKU O DOPUNAMA ODLUKE O USVAJANJU PROJEKTA „OPSADA I ODBRANA SARAJEVA 1992-1995. GODINE“

AD – 8.

PRIJEDLOG ODLUKE O IZMJENAMA I DOPUNAMA ODLUKE O LEGALIZACIJI GRAĐEVINA IZGRAĐENIH BEZ ODOBRENJA ZA GRAĐENJE I GRAĐEVINA PRIVREMENOG KARAKTERA

Prijedlog odluke poslanici su dobili uz poziv za sjednicu.

Ministar prostornog uređenja i zaštite okoliša Zlatko Petrović podnio je uvodne napomene i nakon njegovog izlaganja uslijedila je diskusija u kojoj su poslanici postavljali pitanja i obrazložili njihove stavove po ovom Prijedlogu odluke. U diskusiji su učestvovali sljedeći poslanici: Kemal Ademović, Besim Mehmedić, Predrag Kojović, Amir Zukić, Hanka Vajzović, Dževad Rađo i Elmedin Konaković. Na pitanja poslanika ministar Zlatko Petrović je odmah dao odgovore.

Prijavljenih više nije bilo pa je predsjedavajuća pozvala poslanike da pristupe izjašnjenju o **PRIJEDLOGU ODLUKE O IZMJENAMA I DOPUNAMA ODLUKE LEGALIZACIJI GRAĐEVINA IZGRAĐENIH BEZ ODOBRENJA ZA GRAĐENJE I GRAĐEVINA PRIVREMENOG KARAKTERA.**

SKUPŠTINA JE, VEĆINOM GLASOVA (22 ZA,2 UZDRŽANA I 2 PROTIV) DONIJELA ODLUKU O IZMJENAMA I DOPUNAMA ODLUKE LEGALIZACIJI GRAĐEVINA IZGRAĐENIH BEZ ODOBRENJA ZA GRAĐENJE I GRAĐEVINA PRIVREMENOG KARAKTERA.

AD – 9.

IZVJEŠTAJ IZ OBLASTI SPORTA ZA 2011. GODINU

Navedeni Izvještaj poslanici su dobili uz poziv za sjednicu.

Ministar Dubravko Lovrenović podnio je uvodne napomene i njegovo izlaganje je u prilogu stenograma ove sjednice.

Poslanik Elmedin Konaković, poslanik Branislav Crnogorac i poslanik Nedžad Fazlija su bili jedini diskutanti po Izvještaju iz oblasti sporta za 2011.godinu.

NAKON DISKUSIJE, PREDSJEDAVAJUĆ JE POZVALA POSLANIKE DA PRISTUPE IZJAŠNJAVANJU O IZVJEŠTAJU IZ OBLASTI SPORTA ZA 2011. GODINU.

SKUPŠTINA JE VEĆINOM GLASOVA (24 ZA I 2 SUZDRŽANA) USVOJILA IZVJEŠTAJ IZ OBLASTI SPORTA ZA 2011. GODINU.

AD – 10.

IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2011. GODINU, SA ODLUKOM UPRAVNOG ODBORA O USVAJANJU IZVJEŠTAJA, SA MIŠLJENJEM MINISTARSTVA FINANSIJA KANTONA SARAJEVO I MIŠLJENJEM MINISTARSTVA PROSTORNOG UREĐENJA I ZAŠTITE OKOLIŠA KANTONA SARAJEVO

Prijavljenih za raspravu nije bilo, pa je predsjedavajuća pozvala poslanike da pristupe izjašnjenju o **IZVJEŠTAJU O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2011. GODINU.**

SKUPŠTINA JE JEDNOGLASNO (25 ZA) USVOJILA IZVJEŠTAJ O RADU I FINANSIJSKOM POSLOVANJU KANTONALNE JAVNE USTANOVE ZA ZAŠTIĆENA PRIRODNA PODRUČJA ZA 2011. GODINU

AD – 11.

STUDIJA O ZDRAVSTVENOM STANJU STANOVNIŠTVA, HIGIJENSKIM PRILIKAMA I ZDRAVSTVENOJ DJELATNOSTI U KANTONU SARAJEVO U 2011. GODINI, (SA MIŠLJENJEM MINISTARSTVA ZDRAVSTVA I PRIJEDLOGOM MJERA ZA POBOLJŠANJE ZDRAVSTVENOG STANJA STANOVNIŠTVA I HIGIJENSKIH PRILIKA NA KANTONU SARAJEVO)

Navedenu Studiju poslanici su dobili uz poziv za sjednicu.

BEZ RASPRAVE, SKUPŠTINA JE JEDNOGLASNO (25 ZA) USVOJILA STUDIJU O ZDRAVSTVENOM STANJU STANOVNIŠTVA, HIGIJENSKIM PRILIKAMA I ZDRAVSTVENOJ DJELATNOSTI U KANTONU SARAJEVO U 2011. GODINI.

Rad na 18. Radnoj sjednici Skupštine Kantona Sarajevo
okončan je u 23,15 sati.

SEKRETAR

SKUPŠTINE KANTONA

Abid Kolašinac, dipl.pravnik

PREDJEDAVAJUĆA

SKUPŠTINE KANTONA

Prof.dr Mirjana Malić

Sastavni dio ovog zapisnika su stenografske bilješke, audio i CD snimak sjednice, koji se čuvaju u Službi za skupštinske poslove Skupštine Kantona Sarajevo.